

稗史叢書之一

古今宮闈祕記

上海進步書局印行

古今宮闈祕記提要

是編專紀宮闈上自皇古下及清代分類爲六首帝王次后妃次皇儲次外戚次宮人次闈寺殿以雜俎如漢武唐明金海陵之風流飛燕甄后武曌玉環田袁二妃之艷迹三保太監之下西洋魏忠賢之淫客氏歷代后妃臨幸召幸之成例清代某道士某內寺奸惡無匹之醜行皆坊本所不經見其餘軼事異聞原原本本多從祕籍野史中蒐輯得來全書共一千餘條參考書至八百餘種搜尋校勘經數十名人之手始成此十萬餘言之大著欲知宮禁典實者不可不讀此書欲作香艷文字者尤不可不備此書

例言

一是編專記宮闈遺事瑣聞有關掌故搜奇存逸別具心衡其事經習見或乾燥無味者概不甄入

二全書共八卷分門六首帝王次后妃次皇儲次外戚次宮人次闈寺末附雜俎其無類可歸或補輯所得者均入之

三記述以朝代爲次序起自上古訖于清代先後不紊檢查爲便

四采輯所及祕籍居多每條謹載原書所自出其登載他書轉輾而遺其出處者則闕之

五原文有過于繁冗者爲刪節其字句其有兼及他事首尾與本事相貫者存之全無關係者去之

六本編采輯書多至八百餘種甄錄校勘經數十人之心目挂漏誠所難免而裏集不爲無功博雅君子尙其鑒諸

古今宮闈祕記卷一目次

帝王類

盤古氏

蜀山氏

黃帝得仙

堯時十瑞

神禹之相

神剛柳翼

細腰

響屨廊

宮居不樂

地皇氏

庸成氏之季子

高陽氏及彭祖

負販中之帝王

桀作瑤台

行不履生草

美人宮

秦始皇

夢赤鯀

帝王類 目次

古今宮闈秘記 卷一

眺嬌台

恨不得此人爲妃

山精

石虎扇

芳塵台黏雨台

梁武之仁恕

孝靜末路

無愁天子

迷樓

龍舟

一夜焚沈香數車

五色花露裙

遺芳夢室

流香渠

流蘇斗帳

鐵燈漆畫

盜發張駿墓

虹化女子

齊文宣之放蕩

天元皇帝

清夜游曲

幻百戲

閃電窗

曉壺

嘲袁寶兒

玉環爲琵琶名

太子詩諫

十眉圖

呼天子爲崖公

金玉化蝶

宣宗之盛德

梁太祖之淫張全義妻女

瓊花公主養二猫

少主調鷹

花項漢作天子

繡機

四寶帳

三煮三遷

黑松使者

助嬌消恨

梨園弟子

括香

鬥鷄

新橋詩

奇香木

君臣狎暱

世宗有志均田

九龍殿

古今宮闈祕記 卷一

錢鐸軼事

面有銀光

漁父饋魚

三十六英雄

黑雲郡

穿眼斫頭

一燭費錢十萬

御饌佳品

琬溪紗二閨

龜頭裏

南朝天子好風流

不及景陽樓

蓬萊紫

錦洞天

帳中香

紙墨硯爲天下冠

兩代善書

金錯刀

夷光獨立圖

七夕延巧

花幕

金鳳外傳

醉如泥

設三昧宴

王昶好巫

大體雙

小南強

烟花集

畫作鬼神夜爲狼虎

流星輦

甘州曲

芙蓉帳

怨妾

月一盤

獨立仙

眞宗之岐嶷

珠鞍玉輦

高宗工書畫

壽皇之孝

德壽宮中韻事

海陵之淫亂

元仁宗之盛德

高麗貢女

不爲敵媼

汝今日與子陵一般

廢尙寢諸司

馬昂姊

白回子女

帝王類 目次

古今宮闈秘記 卷一

大烟火

隆慶之優容諫臣

思陵之勤政

思宗殉國慘記

世祖爲僧

鰲拜伏誅

骨肉慘禍

世宗佚事

世宗之殺隆科多

世宗之殺年羹堯

雍正選察之嚴肅則

圓明園之始末

內務府糜費

汪相之誤國

宣宗之任程彰阿

濱州之導君機變

德宗夢見老人

德宗之外交

德宗之晏駕兩則

又

古今宮闈祕記卷一

帝王類

盤古氏

盤古氏者。神靈。一日九變。按地理坤鑑云。盤古龍首人身。而今成都淮安京兆。皆有廟祀。事具徐整三五歷紀及丹壺記。又按今贛之會昌有盤古山。湘鄉有盤古保。而雩都有盤古祠。

地皇氏

地皇十一君。皆女面。龍類馬蹄。按水經注。滎氏云。兄弟十人。面貌皆如女子。而相類蛇身獸足。出龍門山。

蜀山氏

路史蜀之爲國。肇自人皇。其始蠶叢拍溼魚鳧。各數百歲。號蜀山氏。蓋作于蜀。蠶叢

縱目王瞿上魚鳧治導江。逮蒲澤。俾明時。人民椎結左言。不知文字。上至蠶叢。年祚深眇。最後乃得望帝杜宇。寔爲滿捍。蓋蜀之光也。按司馬貞以杜宇出唐杜氏後。妄庸成氏之季子。

路史庸成氏有季子。其性喜淫。晝淫于市。帝怒放之于西南。季子儀馬而產子。身人也。而尾蹶馬。是爲三身之國。

黃帝得仙

古今注黃帝鍊丹于鑿硯山。乃得仙。乘龍生天。羣臣援龍鬚。鬚墜而生草。曰龍鬚。外紀云黃帝子二十有五。其得姓者十四人。別爲十二姓。曰祁。己。滕。箴。任。荀。嬀。姑。嫫。衣。二姬。二酉也。及有虞氏有天下。封帝後爲侯伯者十有九焉。

高陽氏及彭祖

史記高陽生稱。稱生卷章。卷章生重黎。吳回。吳回生陸終。陸終生子六人。坼剖而產焉。其長曰昆吾。二曰參吾。三曰彭祖。四曰會人。五曰曹姓。六曰季連。芊姓。楚其後也。

昆吾氏夏之時。嘗爲侯伯。桀之時。湯滅之。彭祖氏殷之時。嘗爲侯伯。殷之末世。滅彭祖氏。

神仙傳彭祖者。顓頊之玄孫也。殷末已七百六十七歲。而不衰老。少好恬靜。不卹世務。不營名譽。不飾車服。惟以養生治身爲事。王令采女問道于彭祖。彭祖曰。欲舉形登天上。補仙官。當用金丹。其次當愛養精神。服藥草。可以長生。吾遺腹而生。三歲而失母。遇犬戎之亂。流離西域。百有餘年。加以少枯。喪四十九妻。失五十四子。數遭憂患。和氣折傷。恐不度世。乃去。不知所之。其後七十餘年。聞人于流沙之國。西見之。

堯時十瑞

述異記陶唐之世。越裳國獻千歲神龜。方三尺餘。背上有文科斗書。記開闢以來。帝命錄之。謂之龜曆。堯爲仁君。一日十瑞。宮中芻化爲禾。鳳凰止于庭。神龍見於宮沼。曆草生階。宮禽五色。鳥化白神木生蓮。簞蒲生厨。景星耀于天。甘露降于池。是爲十瑞。

負販中之帝王

尸子虞舜灰于常羊。什器于壽丘。就時負夏。未嘗暫息。頓丘買貴。于是販于頓丘。傳虛賣賤。于是償于傳虛。以均救之。

神禹之相

帝王世紀。伯禹夏后氏。姒姓也。父鯀。妻修己。見流星貫卯。夢接意感。又吞神珠薏苡。臂拆而生禹于石埭。虎鼻大口。兩耳參漏。首戴鈎鈴。臂有玉斗。足文履已。故名文命。字高密。身長九尺二寸。長于西羌。西羌夷人也。

桀作瑤台

新序桀作瑤台。罷民力。殫民財。爲酒池糟隄。縱靡靡之樂。一鼓而牛飲者三于人。羣臣相持而歌曰。江水沛沛兮。舟楫敗兮。我王廢兮。趣歸薄兮。薄亦大兮。又曰。樂兮。樂兮。四牡躋兮。六轡沃兮。去不善而從善。何不樂兮。

神剛柳翼

春秋元命苞。湯臂四肘。是謂神剛。象月推移。以綏四方。白虎通。湯臂三肘。是謂柳翼。攘去不義。萬民蕃息。

行不履生草

吳越春秋公劉慈仁。行不履生草。連車以避葭葦。

細腰

墨子楚靈王好纖腰。故其臣皆三飯爲節。脅肩然後帶。緣牆然後起。

美人宮

越絕書美人宮。周五百九十步。句踐習教西施鄭旦宮臺也。

響屧廊

吳郡志響屧廊。相傳吳王建廊而虛其下。令西施與宮人步屧繞之。則響。

秦始皇

三秦記秦始皇與神女游。而忤其旨。神女唾之。則生瘡。始皇怖。謝神女。爲出溫泉而

洗除。

宮居不樂

西京雜記。漢太上皇徙長安。居深宮。悽愴不樂。以平生所好。皆屠販少年。酤酒賣餅。鬪雞蹴鞠。以此爲歡。今皆無此。故以不樂。高祖乃作新豐。移諸故人實之。太上皇乃悅。蓋新豐多無賴無衣冠子弟。故也。高祖少時。常祭枌榆之社。及移新豐。亦還立焉。旣作新豐。移舊社衢巷棟宇。物色舊士女老幼。相攜路首。各知其室。放犬羊雞鴨於通塗。亦競識其家。乃匠人吳寬所營也。移者皆悅其似而德之。故競加賞贈。月餘致累百金。

夢赤莖

漢孝武帝內傳。漢孝武皇帝。景帝子也。未生之時。景帝夢一赤莖。從雲中下。直入崇芳閣。景帝覺而坐。果有赤龍如霧。來蔽戶牖。宮內嬪御。望閣上有丹霞蔚而起。霞滅。見赤龍盤迴棟間。景帝召占者姚翁以問之。翁曰。吉祥也。此閣必主命世之人。攘

不祥而獲嘉瑞。爲劉宗盛主也。然亦大妖。景帝使王夫人移居崇芳閣。欲以順姚翁之言也。乃改崇芳閣爲猗蘭殿。旬餘。景帝夢神女捧日。以授王夫人。夫人吞之。十四月而生武帝。

眺蟾台

郭憲洞冥記。武帝于望鵲台西。起俯月台。台下穿池。廣千尺。登台以眺月。影入池中。使仙人乘舟弄月影。因名影娥池。亦曰眺蟾台。影娥池中有游月船。觸月船。鴻至船。遠見船載數百人。或以青桂之枝爲櫂。或以木蘭之心爲檣。練實之竹爲篙。紉石脉之繩爲纜也。

遺芳夢室

拾遺記。漢武帝思懷往者李夫人。不可復得時。始穿昆靈之池。泛翔禽之舟。帝自造歌曲。使女伶歌之。時日已西傾。涼風激水。女伶歌聲甚適。因賦落葉哀蟬之曲。曰。羅袂兮無聲。玉墀兮塵生。虛房冷而寂寞。落葉依於重扃。望彼美之女兮。安得感余心。

之未寧。帝聞唱動心。悶悶不自支持。命龍膏之燈以照舟。悲不自止。親侍者覺帝容色愁怨。乃進洪梁之酒。酌以文螺之卮。卮出波祇之國。酒出洪梁之縣。此屬右扶風。至哀帝廢此邑。南人受此釀法。今言雲陽出美酒。兩聲相亂矣。帝飲三爵。色悅心歡。乃詔女伶出侍。帝息於延涼室。臥夢李夫人。授以薝蔔之香。帝驚起。而香風尤著衣枕。歷月不歇。帝彌思求。終不復見。涕泣洽席。遂改延涼室爲遺芳夢室。

恨不得此人爲妃

太平御覽。東漢馬皇后。美於色。厚於德。帝用嘉之。嘗從觀虞舜畫像。見娥皇女英。帝指之。戲謂后曰。恨不得此人爲妃。又曾觀陶唐畫像。后指堯曰。嗟夫。羣臣百姓。恨不得此人爲君。如是。帝顧而笑。

流香渠

拾遺記。靈帝盛夏避暑於裸遊館。長夜飲。帝嗟曰。使萬歲如此。則上仙也。宮人年二十七以上。三六以下。皆靚粧解其上衣。惟著內服。或共裸浴。西域所獻茵犀香。煮以爲